

UVOD

Projektni Menadžment je postao veoma značajno znanstveno područje tako da se u novije vrijeme sve više autora bavi ovom problematikom i putem izučavanja Projektnog Menadžmenta se, kroz objedinjavanje dobre poslovne prakse, nastoji izdefinirati neke opće postavke koje vrijede za vođenje bilo koje vrste projekta sa osnovnim ciljem povećanja vjerovatnoće uspješnosti realizacije konkretnih projekata. To znači da Projektni Menadžment ima jasno definiran predmet i metodologiju izučavanja a kroz sistematski pristup razvoja ove znanstvene discipline u razvoju se došlo do veoma respektabilnih i korisnih metoda i alata, koji doprinose uspješnom vođenju projekata najrazličitijih vrsta, poput životnog ciklusa projekta kao vodiča i kvantuma znanja za vođenje projekata kao sadržaja i suštine Projektnog Menadžmenta.¹

Sa aspekta investicija, važan razlog zbog kog je analiza rizika (zaštite od rizika) neizbježna jeste činjenica da, ma kako ocjene investicionih projekata bile "duboke" i skupe, odnosno ma kako bile kvalitetne i pouzdane informacije na kojima se zasnivaju investicione odluke, rizik nije uvijek moguće predvidjeti, a vrlo često ni predvidjeti ni izbjeći. Čak i u uslovima visoko fleksibilnih investicionih odluka, veoma često "udare" rizika nije moguće izbjeći ili bar amortizovati.

Obzirom na navedeno, pri analizama mogućnosti zaštite od rizika i uopšte u analizama rizika, rizik treba shvatiti kao objektivnu kategoriju koja ima svoju cijenu koja se uspostavlja na finansijskom tržištu. Stoga je rigidan stav prema riziku neopravdan i štetan.

¹ Asistent Elvir mr. Čizmić, Ekonomski fakultet u Sarajevu, Trg oslobođenja br. 1, elvir.cizmic@efsa.unsa.ba, Prof. dr Aziz Šunje, Ekonomski fakultet u Sarajevu, Trg oslobođenja br. 1, aziz.sunje@efsa.unsa.ba